



Principáu
d'Asturies



Nota de prensa

Miércoles, 22 de xunetu del 2026

La Roja vuelve a Asturias once años después pa enfrentase a la República Checa nel estadiu Carlos Tartiere

- La selección española de fútbol va regresar al campu uviéin el 3 d'ochobre pa xugar la tercer xornada de la UEFA Nations League
- L'alcuentru va ser el segundu compromisu del combináu nacional después de ganar la Copa del Mundu en Nueva York y conquistar la so segunda estrella

Asturies va volver a ser escenariu d'un partíu oficial de la selección española de fútbol, la Roja, once años después de la so última visita a la comunidá. España va enfrentase a la República Checa'l 3 d'ochobre viniente, a les 20:45 horas, nel estadiu *Carlos Tartiere* d'Uviéu, nun alcuentru correspondiente a la tercer xornada de la UEFA Nations League.

La cita, na que na so organización participa la Consejería de Cultura, Política Llingüística y Deporte, va dexar que l'afición asturiana vea pela primer vez en casa a la selección campeona del mundu tres de la conquista de la so segunda estrella, el domingu pasáu, en Nueva York.

Esti partíu va suponer la vuelta de la selección a Uviéu después de la so última visita, en setiembre del 2015, cuando venció por 2-0 a Eslovaquia nun alcuentru de clasificación pa la Eurocopa, disputáu tamién nel *Carlos Tartiere*. Hasta agora, la Roja disputó siete alcuentros na capital asturiana, con un balance de cinco victories, un empate y una derrota.

El sofitu del Gobiernu d'Asturies, xunto a la collaboración de la Real Federación Española de Fútbol, la Real Federación de Fútbol del Principáu y el Conceyu d'Uviéu, va facer posible la vuelta del combináu nacional a la ciudá pa disputar esti alcuentru oficial.

España va encarar la competición como líder del ranking de la Federación Internacional de Fútbol Asociación (FIFA), después de ganar la Copa del Mundu nos Estaos Uníos. L'alcuentru d'Uviéu va ser el segundu compromisu de la selección en territoriu nacional después d'algamar la so segunda estrella. El primeru va celebrase en Sevilla.

Nota de prensa

El rival nesta ocasión va ser la República Checa, frente a la qu'España permanez invicta. Los dos equipos enfrentáronse en siete ocasiones, con cinco victories españoles y dos empates. El precedente más recién correspuende a la UEFA Nations League de 2022, con trunfu d'España por 2-0 nuna edición que terminó conquistando la selección nacional.

La celebración d'esti partíu afianza la presencia d'Asturies nel calendariu de los grandes acontecimientos deportivos y va facer posible que miles d'aficionados vuelvan a disfrutar n'Uviéu d'un alcuentru oficial de la Roja.